

समे – 12:25 hrs.

LG-Sewa Parv

मुख्य भरै च चलै करदे 'सेवा पर्व' दे इक हिस्से दे तौरा पर उपराज्यपाल मनोज सिन्हा होरें अज्ज श्रीनगर दी डल झील च शुरू कीते गेदे सफाई अभियान च शिरकत कीती। इस मौके एलजी होरें आखेआ जे पिछले 5एं बरें दरान कीते गेदे अनथक जत्नें दी बदोलत डल झील दे त्रीए हिस्से कोला मते इलाकें गी साफ करियै एहदे च नमे सिरेआ जान भरी गई ऐ। झील दे इक बड़्डे हिस्से चा जड़ी ते होर दुए किस्में दियां बेलां बूहअे हटाइयै इसी साफ कीता गेआ ऐ ते पैहली बारी एल्लै एहदा कोडू 20 मुरब्बा किलोमीटर कोला मता हिस्सा खुल्ले ते साफ पानी आहला ऐ। मनोज सिन्हा होरें आम लोकें अगगे अपील कीती जे ओह डल झील दे अलावा होरनें दरयाएं-नदिएं सरें बगैरा दे संरक्षण दे कम्में च इक जिम्मेदार शैहरी दे रूपै च अपनी जिम्मेदारी निभान तां जे स्हाड़े एह जल स्रोत ना छड़ा साफ-सुथरे बने दे रौहन, सगुआं इनेंगी दिक्खने औने आहले मते-मते लोक इत बक्खी आकर्षित होन।

<><><><><><>

Sewa-parv

मुख्य भरै च मनाए जा'रदे सेवा पर्व पैहलकदमी दे तैहत अज्ज अस दस्सने आं जे किस चाल्ली मोदी सरकार टैक्स सुधारें ते पेंशन सुरक्षा दे राएं मध्यम वर्ग गी समर्थन देना जारी रक्खा'रदी ऐ। इक बड़्डी राहत एह ऐ जे हर ब'रे 12 लक्ख रुपें तककर दी कमाई करने आहले

व्यक्तिएं गी हून आयकर थमां छूट दिती गई ऐ, एहदे अलावा इस दायरे च पूंजीगत लाभ जनेही खास आमदनी बी शामिल नई ऐ। रिटर्न प्रक्रिया गी सरल बनाना ते टैक्स दरें च कमी करना जीवन गी सखल्ला बनाने लेई सरकार दे समर्पण गी दर्शादा ऐ। एह सुधार, 2025-26 दे केंद्रीय बजट दा हिस्सा न, मध्यम वर्ग च रक्खे गेदे भरोसे गी रेखांकित करदे न, जिसी भारत दे विकास दी बुनियाद मन्नेआ जंदा ऐ।

<><><><><><>

Prog.Announcement

आकाशवाणी जम्मू दा क्षेत्रीय समाचार एकांश मुख्य भरै च मनाए जा'रदे सेवा पर्व-2025 दे सरबंधै च कुल 8 कार्यक्रमें दी बशेश श्रृंखला प्रसारत करा'रदा ऐ जेहदे तैहत संगारें 22 सितंबर गी 25एं मिनटें दा इक कार्यक्रम पेश कीता जाहग ऐ जेहदा विशे ऐ “पर्पल रेवोल्यूशन दे राहें ग्रामीण अर्थ बवस्था दा सशक्तिकरण”। एह बशेश प्रसारण अज्ज 22 सितम्बर गी दपैहरी 12 बजे कीता जाग। एहदे च स्हाड़े खास परौहने होड सी.एस.आई.आर.-ट्रिपल आई.एम जम्मू दे डरैक्टर डॉ. जबीर अहमद जेड़े इस विशे दे बक्ख-बक्ख पैहलुएं पर अपने माहिराना बचार सांझो करडन। इस कार्यक्रम दा संचालन करडन स्हाड़ी न्यूज एंकर अभिलाषा शर्मा ते श्रुति खजूरिया। इस पूरी परिचर्चा गी तुस मिडियम वेव 303 मीटर यानि 990 किलोहर्टज पर ते एफ.एम 100.3 मेगाहर्टज पर सुनी सकदे ओ।

<><><><><><>

CM-Assistance

मुख्यमंत्री उमर अब्दुल्ला होंरें जम्मू-कश्मीर च आए दे चानचक्क हाड़ें ते बरखें करी होए दे नुकसान गितै केंद्री सहायता दी मंग करदे होई मेद प्रगट कीती ऐ जे केंद्र सरकार केंद्र शासित प्रदेश दे हाड़ प्रभावितें लेई जरूर कुसै बड़्डे राहत पैकज दी घोषणा करोग। कल मीडियां कर्मिं कन्नै गल्लबात करदे होई मंत्री होंरें आखेआ जे इनं कुदरती करोपिं करसानें, बागवाने, सार्वजनिक ढांचे ते जन संपत्तिं गी बड़ा मता नुकसान पुजाया ऐ। उनें मेद प्रगट कीती जे प्रधानमंत्री नरेंद्र मोदी होर हालात दा आपूं जायजा लेइयै जरूर कुसै बड़्डे ते असरदार पैकेज दी घोषणा करडन तां जे प्रभावित इलाकें ते लोकें गी राहत पुज्जी सकै।

<><><><><><>

Dar Buyer Seller Meet

राई-बाई मैहकमे दे मंत्री जावेद अहमद डार होंरें कोलकाता च कृषि क्षेत्र दे खरीदारें ते बेचने आहलें दे इक सम्मेलन च हिस्सा लैता तां जे जम्मू-कश्मीर दे करसानें आस्तै राश्ट्री स्तर दे बजार तगर पुज्ज गी बढ़ावा दिता जाई सकैं बागवानी, योजना ते मार्केटिंग मैहकमे आसेआ आयोजित इस कार्यक्रम दा मकसद करसानें गी सिद्धे खरीदारें कन्नै जोड़िये राई-बाई ते बागवानी सैक्टर गी बढ़ावा देना ऐ। इस कार्यक्रम च पच्छिम बंगाल दे अधिकारियें ते खरीददारें सने 300 शा मते हितधारें हिस्सा लैता। बैठक च उत्पादें ते बजारें बश्कार बित्थ गी पूरने, करसानें दी औंदन बधाने ते जम्मू-कश्मीर दे पूरे-पराते आर्थिक विकास च योगदान देने पर ध्यान केंद्रित कीता गेआ।

<><><><><><>

Tourism-Paragliding

रोमांचक गतिविधिएं आहले सैलसफा ते रोजगार दे बाददे बक्खी इक बड्डी गेंs पुट्टदे होई जम्मू-कश्मीर सैलसफा विभाग नै दूर-दरेडे इलाकें दे नोजोआनें आस्तै एडवांस्ड पैराग्लाइडिंग प्रशिक्षण कार्यक्रम दी शुरूआत कीती ऐ। सैलसफा विभाग जम्मू दे निदेशक विकास गुप्ता होरें इस कार्यक्रम दा शुभारम्भ कीता जेदे च चनोए दे प्रशिक्षुएं गी हिमाचल प्रदेश दी प्रसिद्ध पैराग्लाइडिंग थाहरें बीर बिलिंग ते बिलासपुर च व्यवसायिक स्तर दी सिखलाइ दिती जाग जेड़ी गै 21 थमां 25 सितंबर तोड़ी चलोग। इस कार्यक्रम दा मकसद नौजवानें गी पेशेवर हुनरमंद बनाइए रोमांचक खेड़ें दे क्षेत्र च रोजगार दे नमें मौके उपलब्ध करोआना ऐ।

<><><><><><>

India Pak Match

दुबई च एशिया कप टी-20 क्रिकेट च अज्ज भारत दा सामना पाकिस्तान कन्नै होग। एह मैच भारतीय समें मूजब रातीं 8 बजे थमां शुरू होग। प्रतियोगिता च दौनें टीमें बश्कार एह दुआ मुकाबला होग। भारत नै पिछले हफ्ते होए दे मुकाबले च पाकिस्तान पर 7 विकटें कन्नै शानदार जित हासल कीती। एशिया कप दे इतिहास च भारत सब्बने थमां सफल टीम रेई दी ऐ जिन्नै 8 बारी खिताब अपने नाs कीता। एहदे बाद श्रीलंका नै 6 बारी ते पाकिस्तान नै छड़ा 2 बारी एह प्रतियोगिता जिती ऐ।

<><><><><><>